

Na osnovu člana 205. Zakona o osnovama bezbjednosti saobraćaja na putevima u Bosni i Hercegovini („Službeni glasnik BiH“, broj 6/06, 75/06, 44/07, 84/09) ministar komunikacija i transporta Bosne i Hercegovine donosi

## **NAREDBU**

### **O HOMOLOGACIJI ZAŠTITNIH KACIGA I NJIHOVIH VIZIRA ZA VOZAČE I PUTNIKE NA BICIKLIMA SA MOTOROM I MOTORCIKLIMA**

#### **I PODRUČJE PRIMJENE**

##### **Član 1.**

Zaštitne kacige za vozače i putnike na biciklima sa motorom i motorciklima sa ili bez bočne prikolice i viziri ugrađeni na zaštitne kacige ili namjenjeni da budu dodani na njih moraju biti homologovani u skladu sa ovom naredbom.

#### **II ZAHTJEVI**

##### **Član 2.**

Jednoobrazni uslovi za zaštitne kacige i njihove vizire iz člana 1. ove naredbe koji podliježu ispitivanju, metode ispitivanja, način vršenja kontrole saobraznosti serijske proizvodnje sa homologovanim tipom, postupak i način uzimanja uzoraka serijske proizvodnje, sadržaj izvještaja o ispitivanju radi izdavanja saopštenja o homologaciji, izgled homologacijske oznake i obrazac saopštenja o homologaciji dati su u Jednoobraznim propisima koji se odnose na homologaciju zaštitnih kaciga i njihovih vizira za vozače i putnike na motorciklima i biciklima sa motorom (Pravilnik broj 22 Ekonomske komisije za Evropu Organizacije ujedinjenih nacija, u daljem tekstu: ECE pravilnik br. 22), sa važećim izmjenama i dopunama koje je prihvatila i primjenjuje Bosna i Hercegovina, donesenim na osnovu Sporazuma o usvajanju jednoobraznih tehničkih propisa za vozila sa točkovima, opremu i dijelove koji mogu biti ugrađeni i/ili korišćeni na vozilima sa točkovima i uslovima za uzajamno priznavanje dodijeljenih homologacija na osnovu ovih propisa (“Službeni glasnik Bosne i Hercegovine”, broj /2010).

ECE pravilnik br. 22 u izvornom obliku (na engleskom jeziku) dostupan je u Ministarstvu komunikacija i transporta Bosne i Hercegovine, odnosno kod organizacije određene za obavljanje administrativnih poslova u oblasti homologacije.

#### **III HOMOLOGACIJA I ISPITIVANJE**

##### **Član 3.**

Homologacija zaštitnih kaciga i njihovih vizira iz člana 1. ove naredbe vrši se na uzorcima tipa obuhvaćenim ovom naredbom.

Homologacijska ispitivanja zaštitnih kaciga i njihovih vizira iz člana 1. ove naredbe može provoditi samo laboratorija ovlašćena od strane Ministarstva komunikacija i transporta Bosne i Hercegovine.

## V PROVJERA USKLAĐENOSTI

### Član 4.

Provjera usklađenosti zaštitnih kaciga i njihovih vizira iz člana 1. ove naredbe provodi se prema postupku koji je propisan Pravilnikom o homologaciji vozila, dijelova, uređaja i opreme vozila („Službeni glasnik BiH” broj 41/08).

Pri provjeri usklađenosti zaštitnih kaciga i njihovih vizira iz člana 1. ove naredbe prihvataće se homologacije dodijeljene u skladu sa serijom (serijama) izmjena i dopuna ECE pravilnika br. 22 prema Odluci o najnižim tehničkim zahtjevima za novoproducirana i korišćena vozila pri homologaciji tipa vozila i homologaciji pojedinačnog vozila, koju će donijeti ministar komunikacija i transporta Bosne i Hercegovine.

## V PRIMJENA

### Član 5.

Ova naredba stupa na snagu osmog dana od dana objavljivanja u „Službenom glasniku BiH”.

Danom stupanja na snagu ove naredbe prestaje da važi “Naredba o obaveznoj homologaciji zaštitnih kaciga za vozače bicikala sa motorom i motocikla i putnike na tim vozilima” („Službeni list SFRJ“, broj 18/88).

Ministar

.....  
mr sc. Rudo Vidović